

樞

垣

記

略

樞垣記略卷之十四

規制二

凡滿漢章京繕寫

諭旨記載檔案查覈奏議係清字者皆由滿洲章京辦理
係漢字者皆歸漢章京辦理在京旗營及各省駐防西北
兩路補放應進單者內外蒙古藩部及喇嘛並哈薩克霍
罕廓爾喀朝貢應擬賞者皆隸滿洲章京在京部院及各
省文員綠營武員補放應進單者王公內外大臣應擬賞
者及朝鮮琉球越南暹羅緬甸南掌等各外國朝貢應擬

賞者皆隸漢章京惟承審案件無論滿漢章京一體由軍機大臣酌派

謹按朝鮮等國國王及使臣正賞均由禮部承辦惟

加賞使臣由本處擬進賞單又該國各使臣等能詩者恭進詩章復

加賞該國王及獻詩使臣皆臨時派漢章京二人承辦

凡西北兩路駐邊大臣皆由軍機處繕具月摺每月於初五二十日兩次開單呈遞應換防者則稽其班於每年十月將各處期滿大臣開單呈遞除伊犁將軍定邊左副將

軍烏魯木齊都統外參贊大臣有塔爾巴哈台一人喀什噶爾一人烏里雅蘇台一人科布多一人辦事大臣有喀什沙爾一人阿克蘇一人烏什一人葉爾羌一人和闐一人哈密一人西甯一人西藏一人庫倫一人幫辦大臣有喀什噶爾一人葉爾羌一人和闐一人庫爾喀喇烏蘇一人塔爾巴哈台二人烏魯木齊一人古城一人吐魯番一人巴里坤一人

謹查現在西北兩路駐邊將軍大臣伊犁將軍一人參

贊大臣一人領隊大臣五人

巴彥岱錫伯索倫察哈爾厄魯特各一人

塔爾

巴哈台叅贊大臣一人領隊大臣二人烏魯木齊都統
一人領隊大臣一人巴里坤領隊大臣一人吐魯番領
隊大臣一人古城領隊大臣一人庫爾喀喇烏蘇領隊
大臣一人葉爾羌叅贊大臣一人幫辦大臣一人喀什
噶爾辦事大臣一人英吉沙爾領隊大臣一人和闐辦
事大臣一人烏什辦事大臣一人幫辦大臣一人阿克
蘇辦事大臣一人庫車辦事大臣一人喀喇沙爾辦事
大臣一人哈密辦事大臣一人幫辦大臣一人烏里雅
蘇台將軍一人

卽定邊左
副將軍

叅贊大臣二人科布多叅贊

大臣一人幫辦大臣一人庫倫辦事大臣二人西甯辦事大臣一人駐藏辦事大臣一人幫辦大臣一人

凡伊犁烏魯木齊暨南路各回城章京內例由廢員補放者伊犁糧餉章京缺二駝馬章京缺一管倉章京缺四烏魯木齊管倉章京缺三喀喇沙爾糧餉章京缺一庫車糧餉章京缺一阿克蘇糧餉章京缺一葉爾羌糧餉章京缺一喀什噶爾糧餉章京缺一烏什糧餉章京缺一皆由軍機處豫行八旗查明各廢員獲咎案由開送清冊軍機大臣傳齊該廢員揀選將獲咎較輕年力富強者每次酌取

數員引

見記名者遇缺按名補放

凡恭遇 頒賞

御書處所進新刊

御製詩文集 武英殿所進新刊

御纂

欽定各書並其他珍幣有

旨令軍機大臣擬賞者各按數多寡開列 皇子 皇孫

王大臣等名單呈遞請

旨發下後在京者交內閣知照各處祇領外省者傳各省
駐京提塘祇領至西北兩路大臣端午中秋歲除例
賜藥物及果餌等物皆交兵部由驛遞發往

凡恭遇

祇謁

陵寢及

駐蹕南苑湯山盤山歲

幸熱河木蘭行圍並

東巡

西巡

南巡各地方其有 行宮者軍機大臣入直於 宮門外
之左偏直廬如在 行營則於白布城東門夾道內設蒙
古包入直其在 看城 等城則皆於黃布城左右設帳
房入直滿漢章京等設帳房隨帶短几坐褥按資格列坐
其中

謹按乾隆初年恭遇

聖駕時巡軍機大臣是否隨往皆候

旨遵行乾隆四年十月二十六日本處奏

皇上南苑大閱臣等辦理軍機處除臣誦親臣海望總理
行營隨往外臣鄂爾泰張廷玉徐本納延泰隨
駕之處合行請

旨奉

旨大學士徐本尙書納延泰去至二十八日又

諭朕駐蹕南苑天氣寒冷吏兵二部輪班之日大學士鄂
爾泰張廷玉不必前往近日軍機大臣除

特派留京辦事或先已出差外省及鄉會典試外凡恭遇
時巡無不隨往者不待奏請矣 又同治十二年二月二

十八日

諭嗣後恭謁

慕陵

定陵之日軍機大臣俱著隨入

陵寢門 又按軍機章京隨圍係輪班前往不隨往者每

日滿漢各二人詣內閣聽報滿洲章京在 誥敕房漢

章京在蒙古堂祇候遇有 行在軍機處文件分別照

行 又乾隆三十三年七月初七日本處奏 臣等向在

熱河遇有軍機處會同刑部內務府步軍統領衙門查

辦事件均借副都統衙門旁屋暫住審辦並無公所伏查 園明圓遇有審辦事件向在步軍統領衙門官廳辦理殊屬便易今增福查出高恆房屋一所約有三十餘間可否照 園明圓官廳之例仰懇

聖恩卽將此項房屋賞給臣等作爲辦事之地如蒙俞允臣等仍交與熱河總管照看毋致稍有損壞奉旨知道了

凡各直省有應前往查辦之事奉

旨專派軍機大臣或會同部院大臣者軍機大臣於滿漢

章京中選擇一二員奏明一體馳驛前往

謹按嘉慶五年八月二十五日

諭向來軍機大臣出差隨帶軍機章京原以堂司統屬故
令帶往辦事乃年來出差及簡放外任大員如阿迪斯
長麟長齡等並非軍機大臣亦在朕前率意請帶軍機
章京殊屬非是大臣等奉派出差各有屬員可以隨往
何以將素非所屬之員帶往辦事至簡放外任向無隨
帶京員之例況軍機章京現有定額若出差大臣俱請
帶往軍機處安得有如許人員且難保無軍機章京向

出差大臣營謀前往沿途倚仗軍機處虛張聲勢此時
軍機大臣實皆小心謹慎不敢作福作威章京等亦皆
奉公守法若屢派出差恐小軍機之故態復萌沿途又
受苦累是朕並非欽派各大臣出差竟係派軍機章京
出差矣嗣後出差人員除軍機大臣仍准其隨帶章京
外其餘如有率行奏請者卽將該大臣治罪另行簡放
又乾隆十七年十月十四日

旨著派軍機處行走郎中福德刑部郎中官保押帶該犯
等馳驛前往協同該署撫楊應琚查辦又四十年正月

二十日

旨侍郎高樸著同軍機章京永保馳驛前往山西有查辦
事件此皆以章京專膺使節爲樞曹異數而嘉慶十四
年間章京盧蔭溥以紅臚寺少卿遂與軍機大臣托津
同奉

命往江南查辦案件則更前此未聞之榮遇也

凡恭遇

臨幸西苑 景山或詣

雍和宮在 圓明園日或

幸清漪園 靜明園 黑龍潭如在

臨幸處所

召見者軍機大臣皆隨往如在宮

召見者卽不隨往凡

臨幸處所皆有軍機直廬達拉密及直日之滿漢章京各
二人先往接摺並祇候軍機大臣入

見若恭遇

幸靜宜園駐蹕之日軍機大臣率章京等均隨往入直略
如隨扈之儀

凡京外王大臣有奉

特旨到軍機處恭聽

諭旨恭讀

硃筆及閱看各處摺奏者方得在軍機堂簾內拱立事畢卽出其餘部院內外大小官員不得擅入其簾前窗外階下均不許閒人窺視滿漢章京之直房亦如之

謹按嘉慶五年十一月十八日

諭軍機處爲辦理樞務承寫密旨之地首以嚴密爲要軍機大臣傳述朕旨令章京繕寫均不應稍有洩漏自去

年正月以後軍機處頗覺整飭嚴肅閒雜人等亦覺稀少近日又覺廢弛軍機處臺階上下窗外廊邊擁擠多人藉回事畫稿爲名探聽消息摺稿未達於宮庭新聞早傳於街市廣爲談說信口批評實非政體必應嚴定章程以昭法守此後軍機大臣止准在軍機處承寫本日所奉上諭其部院稿案不准在軍機處辦理本管司員不准至軍機處回事軍機章京辦事之處不准閒人窺視自王貝勒貝子公文武滿漢大臣俱不准至軍機處同軍機大臣談說事體違者重處不赦自今日始每

日著都察院科道一人輪流進內在隆宗門內北首內
務府直房監視軍機大臣散後方准退直如有前次情
弊卽令直班科道叅奏候旨嚴懲若科道曠班或推故
早散亦准軍機大臣指名叅奏再此後有通諭王大臣
之事俱在乾清門外階下傳述不准在軍機處傳旨此
旨通諭中外各衙門敬謹凜遵違者不恕特諭 又六
年四月初二日

旨圓明園距城較遠其軍機辦事處所若仍令科道前往
值日設遇陰雨遲散該科道等不及進城無處住宿嗣

後不必派員前往以示體恤遇進城之時仍著照舊值
日稽查 又二十五年十月初三日

旨稽查軍機處御史著裁撤

凡軍機大臣及章京每日晨直飯食皆由膳房承應其滿
漢章京散直後在城中則退食於方略館在 圓明園則
退食於外直廬均由內務府戶部銀庫支領飯銀其會計
出入以兩班達拉密及方略館提調分掌之

謹按 圓明園滿漢章京外直廬一在挂甲屯一在冰
窖均係乾隆年間

賞給居住恭查乾隆三十三年八月十八日本處奏軍機
司員前蒙

皇上天恩賞給慶復入官花園一所該員等在 圓明園
該班直宿迄今已逾多年除歷次將木植拆卸官用外
所存之屋日久無人修理漸致損壞查該處地面甚大
司員等不能修整若聽其頽廢將一切牆垣屋壁坍塌
不惟該處係

聖駕經行之所有礙觀瞻且園池樹木繁盛無人專管照
料亦甚可惜查莊親王現在 圓明園所置五福書房

窄狹不敷居住情愿將現住房屋換給該司員等因房
間無多尙不敷用並願將 圓明園高恒入官房屋一
所照內務府估價按數買交軍機處司員分住若准其
調換卽以軍機處司員所住之園

賞給莊親王聽其自行修理一轉移間莊親王得有寬廠
園亭隨時酌修官園旣可不致日就坍塌廢而軍機處司
員亦得有整齊房屋居住可否如此出自

天恩奉

旨知道了 又乾隆十三年奏准戶部堂司官員並戶部

銀庫飯銀內每年各撥銀二千兩作爲軍機司員飯銀
之用 又乾隆五十六年九月二十八日

旨銀庫司員每年所得養廉內每人各撥出銀五百兩賞
給軍機章京以爲公費之用 又嘉慶六年七月二十

七日

旨管理三庫大臣慶桂等奏每年應賞御前乾清門侍衛
軍機章京並三庫官員養廉共需銀八萬餘兩因各省
所解飯銀不敷支給請將戶部寄存捐納飯銀歸入銀
庫借支備用等語此等賞項從前原因三庫飯銀爲數

較多是以每年格外分賞各處用昭恩賚並非正俸及
養廉可比年來外省應解錢糧俱因撥給軍需隨解飯
銀短絀除三庫官員養廉照例動支外其餘應賞各處
之項自當酌量樽節應如何裁減分給之處著軍機大
臣詳議具奏俟軍需告蒞各省飯銀解部充裕仍著照
前例給賞八月十三日本處覆奏查向來外省隨正項
錢糧解到飯銀貯存銀庫有盈無絀每年作爲 御前
乾清門侍衛軍機章京等 賞項此皆仰賴
鴻慈恩施格外俾當差充裕誠如

聖諭並非正俸養廉可比現在軍務善後事宜需用尙多
各省應解錢糧俱已就近協撥銀庫所收飯銀旣不敷
支用自應隨時酌減所有每年應 賞御前乾清門侍
衛銀一萬兩軍機章京銀三千兩理藩院銀一千二百
兩臣等公同酌減十分之三等因奉

旨依議 又八年六月二十二日

旨總管內務府大臣奏該衙門官員等得項不敷請於濫
銀項下原撥軍機處賞項五千兩內歸還銀一千兩原
撥步軍統領衙門賞項三千兩內歸還銀二千兩添補

辦公等語此項撥給軍機處步軍統領衙門銀兩向來如何分給該司員等當差辦公之處著軍機大臣步軍統領衙門查明詳晰具奏再降諭旨二十六日本處覆奏查軍機司員每年除應領內務府漫價五千兩外尙有戶部飯銀及銀庫飯銀謹將各項銀兩數目及每年如何支用之處一併開單恭呈

御覽計開軍機處原領戶部飯銀一千兩銀庫飯銀三千兩於嘉慶六年閒遵

旨酌議減銀九百兩現領銀三千一百兩又於乾隆三十

六年閒因軍機章京差使繁重費用甚多經原任尙書公福隆安奏請將內務府濫價銀撥給軍機處司員五千兩又乾隆五十六年閒奉

特旨於戶部銀庫司員養廉內每年撥給軍機處司員二千兩三共領銀一萬一百兩查軍機處滿漢司員直班十六員及方略館清漢檔房收掌等官並蘇拉供事人等每日早晚飯共十二棹約計銀十五兩每年共用銀五千四百兩又春秋兩次滿漢司員隨圍十六員春圍每員幫貼銀二十兩秋圍每員五十兩管理檔房蘇拉

八名每名春圍幫貼銀十兩秋圍每人四十兩計每年用銀一千五百餘兩又該班房茶燭冰炭等項每日約用銀一兩計每年用銀三百餘兩三共開除銀七千二百餘兩餘銀於每年冬季滿漢司員三十二員分別等第每員約分銀七八九十兩不等額設蘇拉十二名每名賞銀二十餘兩不等是日奏上奉

諭前因內務府大臣奏請於禮銀項下原撥軍機處賞項內歸還銀一千兩原撥步軍統領衙門賞項內歸還銀二千兩添補辦公當卽諭令軍機大臣步軍統領衙門

詳查奏明茲據查明將歷年分賞銀兩數目據實復奏
軍機章京等差使繁重費川甚多前已於應領項下暫
減銀九百兩步軍統領衙門司員每年當差辦公之用
亦惟資此項分給由來已久朕一視同仁未便遽照內
務府大臣等所請如數撥還但念該衙門司員人數較
多公項不敷分給著於原撥軍機處賞項下扣出銀五
百兩步軍統領衙門下扣出銀一千兩交內務府收領
嗣後該大臣亦不得聽屬員不知足之言再行瀆請

又嘉慶二十五年六月二十四日本處奏查軍機處滿

漢章京向由戶部銀庫飯銀內蒙撥給銀三千兩添補
每年辦公之用嗣於嘉慶六年遵

旨議奏將應給內閣及御前乾清門侍衛軍機章京等
飯食銀兩俱減去十分之三嘉慶十四年內閣因辦公
缺乏奏蒙

恩准仍照舊例免其扣減本年侍衛處亦因公拮据懇仍
照舊例全數支領奏蒙

允准各在案臣等伏查滿漢軍機章京常川在內該班一
切用項較多每年例支銀兩不敷辦公現在內閣侍衛

處飯銀俱經奏復舊例全數支領所有軍機章京應領
戶部銀庫飯銀三千兩可否免其扣減三成仍照舊例
支領奉

旨准其全數支領 謹查現在本處每年五月內領銀庫
養廉銀六百六十六兩六錢零又領內務府棧價銀四
千五百兩八月內領銀庫養廉銀六百六十六兩六錢
零十月內領銀庫飯銀三千兩又領戶部飯銀一千兩
十二月內領銀庫飯銀六百六十六兩六錢零計全年
領銀一萬五百兩

凡滿漢軍機章京每逾三年准軍機大臣擇其尤爲勤慎者酌保數人交部議敘

謹按每屆奏案及

諭旨均詳

恩敘卷中

凡本處清字漢字清檔每屆五年由軍機大臣奏請另繕一分以備闕失清字檔令方略館譯漢官繕寫漢字檔令內閣中書繕寫皆派本處章京二人校對事竣請

旨議敘

本七三〇四
一
謹按乾隆二十二年奏准各衙門凡奉清漢

上諭譯漢繙清俱送軍機處繙譯該大臣於行走官內揀
擇繙譯精通者六人定爲六缺專司辦理五年之後如
果辦理無誤奏明交部議敘紀錄二次 又六十年四
月十七日本處奏纂輯廓爾喀紀略五十四卷現已完
竣並恭錄

御製紀事詩文列爲

天章四冊冠於卷首一併進 呈臣等查向來纂辦紀略
等書告竣將纂修曆錄供事人等奏請給與議敘在案

前次纂輯巴勒布紀略二十六卷未經奏請議敘此次續辦之廓爾喀紀略計共五十八冊卷帙較多所有纂修各員及譯漢官謄錄供事人等尙屬奮勉再軍機檔案向派中書等另行鈔錄一分以備查閱每屆五年告竣一次前於乾隆五十四年奏蒙

賞給議敘嗣又將近年以來所奉

諭旨及議覆等件檔案繕成九十二冊所有繕寫各員及承辦之供事人等均無錯誤可否將廓爾喀紀略纂修等官並校繕檔案中書及謄錄供事人等俱各照例分

別議敘以示鼓勵謹奏奉

旨著照例議敘 又嘉慶六年八月十四日本處奏查軍機處錄存檔案自乾隆五十三年起至六十年止所奉諭旨及議覆等件經臣等於上年循照歷次之例選派中書另錄一分以備查閱奏准在案今中書等業將各檔繕成共計一百二十三冊 臣等檢查俱無舛錯向來繕辦軍機檔案每次告竣俱給予議敘此次繕辦檔案內有平定廓爾喀並苗匪臺灣各檔案卷帙浩繁較之上屆六十年繕寫九十二冊之數多至三十餘冊卽比較

五十四年繕寫清檔一百零五冊之數亦多十餘冊所
有繕寫中書及承辦之供事趕緊繕辦均屬奮勉可否
飭部查照前例按檔冊多寡給與議敘以示鼓勵謹奏
奉

旨著照例議敘 又十年十二月十八日本處奏竊照軍
機處自嘉慶元年以來所奉漢字

諭旨寄信及議覆等項冊檔繁多歷年隨帶翻閱間有擦
損又緣六年大雨潮氣侵淫前經臣等奏明查照向例
派員另繕一分恭貯備查在案自本年二月起臣等督

飭該員等上緊繕繕次第完竣計自嘉慶元年春季起至十年夏季止現經一律辦出臣等因卷帙浩繁恐有舛漏復經派員詳校尙無草率查此次所辦除尋常各檔案外並將剿平邪匪及工賑衡工各檔案均經另辦一分查對齊全共計有二百餘冊比較上三次乾隆五十四年六十年嘉慶六年所辦清漢各檔俱多五六十冊及七八十冊不等所有繕寫校對之中書及承辦之供事均尙奮勉仰懇照例給與議敘以示鼓勵再查檔案關係緊要此次所繕各檔從元年至今年所積太多

未免有擦損侵溼之處除經查補完善外此後漢字各檔案請每積有五年奏辦一次以昭慎重謹奏奉

旨著照例賞給議敘餘依議 又十六年十二月二十一

日本處奏竊照軍機處自嘉慶十年以後所奉漢字

諭旨寄信及議覆等項冊檔繁多前經臣等奏定章程奏明派員繕寫一分並因從前節年舊檔經各館查閱多有參差訛脫之處一併飭令修理在案自本年三月起臣等督飭該員上緊繕校次第完竣計自嘉慶十年秋季起至十五年冬季止共六十八冊均一律辦出其節

年舊檔二百四十餘冊亦均詳細覆核補綴整齊查此次繕寫五年檔案復將乾隆三十年以後各舊檔整理完善所有承辦之中書等尙屬奮勉可否仰懇照例給與議敘其在館供事人等當差亦均勤奮應請照例一律議敘惟供事內有於辦理勦平三省邪匪方略全部告成時曾經奏請分發經部議祇將其銓選班次酌予從優未經分發今查該供事等經屢次議敘之後現在辦理檔案又屬奮勉可否將等第在前尤爲出力者量予分發以免壅滯謹奏 又奏查此次臣等派出總司

校對之中書梁承福王鳳翰二員在軍機處行走素屬奮勉得力現經臣等責令覆校各檔案尤爲詳慎應奏明量予鼓勵可否將該二員卽以應升之主事分掣在臣等所管戶刑二部行走遇有題選缺出各予補用無庸另給議敘謹奏奉

旨依議 又二十三年十二月初十日日本處奏竊照軍機處自嘉慶十五年以後所奉漢字

諭旨寄信及議覆等項冊檔繁多經臣等查照歷屆辦理之例傳內閣中書十六員繕寫派軍機章京二員校勘

督飭上緊繕校計自嘉慶十六年春季起二十年冬季止共七十冊均一律繕出卸舊檔三百一十餘冊亦均覆校補綴整齊所有承辦各員及在館供事等可否照例給予議敘謹奏奉

旨准其議敘 又道光二年二月十六日本處奏竊照軍機處自嘉慶二十年以後所奉漢字

諭旨寄信及議覆等項冊檔繁多經臣等遵照歷屆辦理之例傳內閣中書十六員繕寫派軍機章京二員校勘督飭上緊繕校計自嘉慶二十一年春季起至二十五

年冬季止共六十三冊並五年內逐日登記號簿十冊均一律繕出其節年舊檔三百八十餘冊亦均補綴整齊查此次繕寫五年檔案復將乾隆三十年以後各舊檔修補完善所有承辦各員及在館供事等可否照例一體給與議敘再查軍機處逐日登記號簿爲收發事件總目檢查便於翻閱向來繕修清檔時並不另行繕錄此次辦理滄字檔冊臣等派出軍機章京吏部員外郎陳彬內閣中書喬用遷詳加校對並令在館供事將登記號簿另繕一分責成該章京等校對無訛查嘉慶

十六年繕修檔冊曾將總校之章京中書梁承福王鳳翰二員奏請以主事陞用分部行走今該章京陳彬等總司校對頗爲詳慎應請量予鼓勵查員外郎陳彬補缺後例應試俸中書喬用遷尙未補缺可否准令陳彬銷去試俸喬用遷遇有題選缺出卽行奏補謹奏奉

旨員外郎陳彬著准銷試俸中書喬用遷著遇有本衙門題選缺出卽行奏補餘依議 又咸豐四年正月二十五日本處奏軍機處錄存檔案歷屆五年奏請辦理一次將檔冊另錄一分收存備查自上屆繕修後現雖僅

及三年惟當軍報紛集之時較之五年檔冊已覺繁多
且不時繙閱磨損過甚若仍拘泥成案俟至咸豐六年
辦理恐爲期過久字跡或多漫漶將來難於查覈臣等
擬將此三年內所奉

諭旨及寄信會議各漢字檔冊卽行繕錄一分另備檢查
該章京等如果辦理妥協查照向例奏請鼓勵奉

旨知道了

方略館在 隆宗門外 咸安宮之左凡本處檔案皆藏
庫中總裁無定員以軍機大臣領之每次軍功告蒞及遇

有政事之大者皆奏奉

諭旨紀其始末纂輯成書或曰方略或曰紀略隨時奏請
欽定亦有他書奉

旨交輯者均率在館人員承辦其提調收掌纂修皆以滿
漢軍機章京兼充提調滿洲二人漢二人收掌滿洲二人

漢二人纂修滿洲三人漢六人

內一缺由翰林院咨送
編檢以上官一人充補

方略館設譯漢官乾隆初定爲六缺後因應繙譯之件漸
繁隨時由吏部傳取無定額凡遇清字文案應譯漢者皆
令譯寫成冊以備纂輯

方略館校對由軍機大臣咨取內閣中書兼充無定員凡館中所纂書籍及所錄清檔皆令分司校勘其供事亦無定額由內閣翰林院詹事府等衙門傳取書成時皆分別奏請議敘

內繙書房管理亦無定員以滿洲軍機大臣領之凡

諭旨清字則譯漢漢字則繙清各衙門咨送於內閣者皆錄送繙書房其每年起居注館承辦起居注有應繙應譯者亦如之凡恭遇

臨御經筵則敬繙

御論及講官所擬講章凡恭遇

冊立

冊封

敕諭外藩外國及各

壇

廟山川祝文暨

諭祭

諭葬之祭文碑文皆由內閣翰林院交繙凡有

旨令將經史繙清者皆隨時纂辦以候

欽定凡

御製詩文之

敕繙者皆卽恭繙錄進

凡繙書房提調二人協辦提調二人收掌四人掌檔四人皆由滿洲軍機大臣於繙書房行走官酌委其兼行走官翰林院詹事府內閣中書各部院司員筆帖式無定額繙譯官四十人各以通於繙譯者爲之

樞垣記略卷之十四

樞垣記略卷之十五

題名一

親王奉

旨在軍機大臣上行走

成親王

永字輩諱璉正紅旗諡曰哲

恭親王

奕字輩名訥鎮藍旗

滿洲軍機大臣

鄂爾泰

字毅菴滿洲鎮藍旗人康熙己卯舉人官至大學士封伯爵諡文端

莽鵠立

字樹本滿洲鎮黃旗人官至都統署工部尙書諡勤敏

索柱

字海峰
部侍郎

滿洲正黃旗人
康熙乙未進士官至工

海望

字

滿洲正黃旗人
官至戶部尚書諡勤恪

納延泰

字

蒙古正藍旗人
官至理藩院尚書

訥親

字

滿洲鑲黃旗人
官至大學士襲公爵

性桂

字

滿洲正藍旗人
官至吏部尚書諡恭簡

雙喜

字

滿洲鑲黃旗人
官至盛京工部侍郎

班第

字軍

蒙古鑲黃旗人
官至兵部尚書定北將
封公爵諡義烈

馬爾賽

字

滿洲正白旗人
官至戶部尚書

傅恆

字春和
諡文忠

滿洲鑲黃旗人
官至大學士
封公爵
贈郡王

高斌

字東軒滿洲鑲黃旗人官至大學士諡文定

馬蘭泰

字滿洲正黃旗人官至祭贊大臣襲侯爵

舒赫德

字伯容滿洲正白旗人官至大學士諡文襄

來保

字學圃滿洲正白旗人官至大學士諡文端

尹繼善

字元長滿洲鑲黃旗人雍正癸卯進士官至大學士諡文端

兆惠

字和甫滿洲正黃旗人官至戶部尚書協辦大學士封公爵諡文襄

雅爾哈善

字滿洲正紅旗人官至兵部尚書

阿里衮

字松崖滿洲鑲黃旗人官至戶部尚書協辦大學士襲公爵諡襄壯

夢麟

字文子蒙古正白旗人乾隆乙丑進士官至戶部侍郎

三泰

字爵諡果勇 滿洲正白旗人官至戶部侍郎 封子

富德

字 滿洲正黃旗人官至理藩院尙書

阿桂

字廣庭 滿洲正藍旗人乾隆戊午舉人官至大學士 封公爵諡文成

福隆安

字珮林 滿洲鑲黃旗人傅恆子固倫額駙官至兵部尙書襲公爵諡勤恪

溫福

字 滿洲鑲紅旗人官至大學士

豐陞額

字書襲公爵諡誠武 滿洲鑲黃旗人阿里衮子官至戶部尙

桂林

字 滿洲鑲藍旗人官至兩廣總督諡莊敏

慶桂

字丹年 滿洲鑲黃旗人尹繼善子官至大學士 諡文恪

福康安

字敬齋 滿洲鑲黃旗人傅恆子官至大學士 封貝子諡文襄 贈郡王

索琳

字

滿洲正藍旗人廕生官至理藩院尙書

阿思哈

字

滿洲正白旗人官至漕運總督諡莊恪

和珅

字

致齋滿洲正紅旗人官至大學士封公爵

奎林

字諡武毅

滿洲鑲黃旗人官至成都將軍襲公爵

福長安

字誠齋封侯爵

滿洲鑲黃旗人傅恆子官至工部尙書

松筠

字

湘浦蒙古正藍旗人官至大學士諡文清

台布

字

蒙古正藍旗人官至西甯辦事大臣

謹按以上皆乾隆年間入直

傅森

字

滿洲鑲黃旗人官至戶部尙書

那彥成

字釋堂滿洲正藍旗人阿桂孫乾隆己酉進士官至直隸總督諡文毅

成德

字滿洲正藍旗人官至戶部尚書諡恪慎

德瑛

字滿洲鑲黃旗人官至工部侍郎

英和

字煦齋滿洲正白旗人乾隆癸丑進士官至戶部尚書協辦大學士

托津

字知亭滿洲鑲黃旗人官至大學士諡文定

勒保

字宜軒滿洲鑲黃旗人溫福子官至大學士封侯爵諡文襄

桂芳

字香東滿洲鑲藍旗人嘉慶己未進士官至戶部侍郎諡文敏

和瑛

字泰菴蒙古鑲黃旗人乾隆辛卯進士官至刑部尚書諡簡勤

文孚

字秋潭滿洲鑲黃旗人官至大學士諡文敏

謹按以上皆嘉慶年間入直

長齡

字懋亭蒙古正白旗人納延泰子官至大學士封公爵諡文襄

玉麟

字研農滿洲正黃旗人乾隆乙卯進士官至伊犁將軍諡文恭

蔣攸銛

字礪堂漢軍鑲藍旗人乾隆甲辰進士官至大學士贈尙書銜

穆彰阿

字鶴舫滿洲鑲藍旗人嘉慶乙丑進士官至大學士

賽尙阿

字鶴汀蒙古正藍旗人官至大學士

奎照

字玉亭滿洲正白旗人英和子官至禮部尙書

文慶

字孔修滿洲鑲紅旗人溫福曾孫道光壬午進士官至大學士諡文端

隆文

字雲章滿洲正紅旗人嘉慶戊辰進士官至戶部尙書諡端敏

謹按以上皆道光年間八直

穆蔭

字清軒滿洲正白旗人官至兵部尚書

舒興阿

字雲溪滿洲正藍旗人道光壬辰進士官至陝甘總督內閣學士

麟魁

字梅谷滿洲鑲白旗人道光癸未進士官至兵部尚書協辦大學士署陝甘總督諡文端

瑞麟

字澄泉滿洲正藍旗人官至大學士兩廣總督諡文莊

柏葭

字靜濤蒙古正藍旗人道光丙戌進士官至大學士

文祥

字博川滿洲正紅旗人道光乙巳進士現官大學士

桂良

字燕山滿洲正紅旗人官至大學士諡文端

寶鋆

字佩蘅滿洲鑲白旗人道光戊戌進士現官大學士

謹按以上皆咸豐年間入直 又按是書紀載止於光緒乙亥十二月卷中題名及分注現官云云皆以是月爲斷

漢軍機大臣

張廷玉

字研齋安徽桐城人康熙庚辰進士官至大學士封伯爵諡文和

蔣廷錫

字揚孫江蘇常熟人康熙四十二年進士官至大學士諡文肅 欽賜進

哈元生

字直隸河間人官至貴州提督

朱軾

字可辛江西高安人康熙甲戌進士官至大學士諡文端

徐本

字立人浙江錢塘人康熙戊戌進士官至大學士諡文穆

蔣溥

字質甫江蘇常熟人廷錫子雍正庚戌進士官至大學士諡文恪

汪由敦

字謙堂浙江錢塘人雍正甲辰進士官至吏部尚書協辦大學士諡文端

陳大受

字占咸湖南祁陽人雍正癸丑進士官至吏部尚書協辦大學士諡文肅

劉綸

字繩菴江蘇武進人乾隆丙辰舉博學鴻詞科第一官至大學士諡文定

劉統勳

字延清山東諸城人雍正甲辰進士官至大學士諡文正

裘日修

字叔度江西新建人乾隆己未進士官至工部尚書諡文達

于敏中

字耐圃江蘇金壇人乾隆丁巳狀元官至大學士諡文襄

袁守侗

字愚谷山東長山人乾隆甲子舉人官至直隸總督諡清愨

梁國治

字階平浙江會稽人乾隆戊辰狀元官至大學士諡文定

董誥

字蔗林浙江富陽人乾隆癸未進士官至大學士諡文恭

王杰

字偉人陝西韓城人乾隆辛巳狀元官至大學士諡文端

孫士毅

字補山浙江仁和人乾隆辛巳進士官至大學士封公爵諡文靖

謹按以上皆乾隆年間入直

沈初

字雲椒浙江平湖人乾隆癸未榜眼官至戶部尚書諡文恪

吳熊光

字槐江江蘇昭文人乾隆戊子舉人官至兩廣總督

戴衢亨

字蓮士江西大庾人乾隆戊戌狀元官至大學士諡文端

劉權之

字雲房湖南湘潭人乾隆庚辰進士官至大學士諡文恪

盧蔭溥

字南石山東德州人乾隆辛丑進士官至大學士諡文肅

章 煦

字桐門浙江錢塘人乾隆壬辰進士官至大學士諡文簡

戴均元

字可亭江西大庾人乾隆乙未進士官至大學士

謹按以上皆嘉慶年開八直

曹振鏞

字儼笙安徽歙縣人乾隆辛丑進士官至大學士諡文正

黃 鉞

字左田安徽當塗人乾隆庚戌進士官至戶部尚書諡勤敏

王 鼎

字省崖陝西蒲城人嘉慶丙辰進士官至大學士諡文恪

潘世恩

字芝軒江蘇吳縣人乾隆癸丑狀元官至大學士諡文恭

趙盛奎

字菊言直隸深州人嘉慶辛酉拔貢官至刑部侍郎

何汝霖

字雨人江蘇江甯人道光乙酉舉人官至禮部尚書諡恪慎

祁鶴藻

字春浦山西壽陽人嘉慶甲戌進士官至大學士諡文藻

陳孚恩

字子鶴江西新城人道光乙酉拔貢官至吏部尚書

季芝昌

字仙九江蘇江陰人道光壬辰探花官至閩浙總督

謹按以上皆道光年間入直

彭蘊章

字詠菽江蘇長洲人道光乙未進士官至大學士諡文敬

邵燦

字又村浙江餘姚人道光壬辰進士官至漕運總督諡文靖

杜翰

字繼園山東濱州人道光甲辰進士官至禮部侍郎

匡源

字鶴泉山東膠州人道光庚子進士官吏部侍郎

焦祐瀛

字桂樵直隸天津人道光己亥舉人官太僕寺卿

沈兆霖

字朗亭浙江錢塘人道光丙申進士官至戶部尚書署陝甘總督諡文忠

曹毓瑛

字琢如江蘇江陰人道光癸卯舉人官至兵部尚書諡恭懿

謹按以上皆咸豐年間入直

李棠階

字文園河南河內人道光壬午進士官至禮部尚書諡文清

李鴻藻

字蘭孫直隸高陽人咸豐壬子進士現官工部尚書

胡家玉

字小蓮江西新建人道光辛丑探花官都察院左都御史現官候補五品京堂

汪元方

字疇齋浙江餘杭人道光癸巳進士官至都察院左都御史諡文端

沈桂芬

字經笙順天宛平人道光丁未進士現官兵部尚書協辦大學士

謹按以上皆同治年間入直

樞垣記略卷之十五

樞垣記略

卷十五